

# 15 GODINA UDRUŽENJA POSLODAVACA FBiH



## Udruženje poslodavaca FBiH obilježilo 15 godina postojanja



Svečanom ceremonijom u Sarajevu Udruženje poslodavaca Federacije Bosne i Hercegovine (FBiH) 11. aprila 2017. godine obilježilo je 15 godina postojanja. Za ovaj period Udruženje je postalo predstavnik poslovne zajednice u Federaciji Bosne i Hercegovine, te je kroz svoje aktivnosti, savjetovanje i stručnost postiglo značajne rezultate ne samo za svoje članice, već i za širu ekonomsku zajednicu.

Danas Udruženje broji više od 20.000 članica organiziranih u više od 20 grupacija po osnovu djelatnosti i regionalne pripadnosti, te je



postalo reprezentativan i nezamjenjiv predstavnik poslovne zajednice u BiH.

Obilježavanju je prisustvovalo oko 200 predstavnika najvećih i najznačajnijih kompanija iz cijele FBiH, predstavnici izvršne i zakonodavne vlasti u Federaciji Bosne i Hercegovine, predstavnici sindikata, privrednih komora, nevladinih organizacija, regionalnih poslodavačkih udruženja i međunarodne organizacije.



Prema riječima predsjednika Udruženja poslodavaca FBiH Adnana Smailbegovića, to se jedino može postići u suradnji sa socijalnim partnerima – Vladom i sindikatima.

„Udruženje snažnije nego ikad nastavlja sa provedbom *programskih ciljeva Udruženja u smislu nastavka tripartitnog i bipartitnog dijaloga sa Vladom FBiH i sindikatima i aktivnog sudjelovanja u reformi*



zakonodavstva“, naveo je Smailbegović u obraćanju zvanicama.

Potrebno je puno smjelosti da ovdašnji poslodavci opstanu na tržištu kakvo je bosanskohercegovačko – ukazao je predsjednik Federacije BiH Marinko Čavara.



„Vi nosite ono što je najvažnije, a to je da građani Federacije mogu zaraditi novac za egzistenciju svojih obitelji. Nadam se da će naredne godine Udruženje biti još uspješnije i da će na tom planu još bolje surađivati, te da će svi zajedno stvarati politički ambijent, ali i bolje gospodarstvo kako bi stvorili bolje uvjete za život“, poručio je Čavara.



Udruženje poslodavaca danas predstavlja najveći korektiv onoga što radi Vlada FBiH, istakao je premijer Federacije BiH Fadil Novalić.

Novalić dodaje da je Vlada FBiH je obećao da će Vlada Federacije BiH biti partner Udruženju, te da će uvijek uvažavati njihovo mišljenje.

Adnan Smailbegović je naglasio da Udruženje poslodavaca FBiH daje punu potporu Reformskoj agendi i da je spremno podnijeti dio tereta reformi.

„Međutim, upozoravamo da teret reformi ne može pasti isključivo i samo na teret poslodavaca i njihovih radnika, što je nažalost do sada bio slučaj. Stvaranje stimulativnog poslovnog ambijenta zahtijeva kreiranje uslova za systemske zakone i rasterećenje privrede od brojnih nameta. Neophodno je da Vlada kroz fiskalnu politiku, naravno u saradnji sa socijalnim partnerima, nađe način da olakša rad onim poduzetnicima koji uspješno privređuju i ispunjavaju svoje obaveze prema državi i zaposlenima“, riječi su Smailbegovića.

U okviru obilježavanja 15. godišnjice Udruženja dodijeljene su zahvalnice, povelje, priznanja i velike povelje, a Udruženje je doniralo i po 2.000 KM dobrotvornim agencijama: Kruhu sv. Ante, Muslimanskom dobrotvornom društvu Merhamet, Srpskom humanitarnom udruženju Dobrotvor i Crvenom krstu/križu FBiH.



## ADNAN SMAILBEGOVIĆ, PREDsjedNIK UDRUŽENJA POSLODAVACA FBiH



Zahvaljujem se svim onima koji su gradili naše udruženje tokom ovih 15 godina.

Naročito želim da se zahvalim trojici mojih prethodnika: gospodinu Tomislavu Grizelju, gospodinu Nihadu Imamoviću i gospodinu Safudinu Čengiću, koji su

nam obezbijedili dobru osnovu da zajedno sa svojim saradnicima nastavimo raditi na unaprijeđenju rada Udruženja.

U proteklom periodu Udruženje se svojim radom i djelovanjem afirmisalo i prepoznalo kao značajan društveni faktor ne samo u Federaciji BiH, nego i u cijeloj državi pa i regionu.

Udruženje snažnije nego ikad nastavlja sa provedbom programskih ciljeva definisanih misijom Udruženja u smislu nastavka tripartitnog i bipartitnog dijaloga sa Vladom Federacije BiH i sindikatima i aktivnog učestvovanja u reformi zakonodavstva.

Naglašavam da dajemo nedvosmislenu podršku Reformskoj agendi i da smo spremni podnijeti dio tereta reformi, ali vas također podsjećam, da teret reformi ne može pasti isključivo i samo na teret poslodavaca i njihovih radnika, što je nažalost do sada bio slučaj.

Primjena i dosljedno poštovanje evropskih vrijednosti i standarda je naša prijeka potreba, a





Udruženje ulaže napore u ostvarenju stabilne poslovne zajednice za poboljšanje uslova života bh. građana.

Pozivam predstavnike vlasti da se aktivnije uključe u reformski proces na način da zajedno kreiramo poslovno okruženje u Federaciji Bosne i Hercegovine, koje će omogućiti zadržavanje postojećih i otvaranje novih radnih mjesta, intenzivnije investiranje domaćih i stranih investicija, smanjenje sive ekonomije i naravno, smanjenje javnog sektora.

Očekujemo i od strane institucija sistema da podnesu svoj dio tereta. Za početak, počnimo raditi na ukidanju nekih od 2.758 fiskalnih nameta na privredu u BiH. Cilj nam je zajednički: bolja ekonomija, bolja zdravstvena i penziona zaštita i perspektivnija budućnost za mlade u Bosni i Hercegovini.





## MLADEN PANDUREVIĆ, DIREKTOR UDRUŽENJA POSLODAVACA FBiH



Naše udruženje nije imaginarni subjekat. Udruženje ne čine samo brojke, cifre, uspjesi, neuspjesi. Naše udruženje ima i humanu stranu. Udruženje su prevashodno ljudi.

Mi smo skup ljudi, skup individua. Mislim da je ovo

prilika da se sjetimo onih koji su prije 15 godina počeli da pričaju ovu zaista lijepu priču koja se zove Udruženje poslodavaca FBiH i onih koji su se vremenom priključivali. Svi oni, ponaosob, dodavali su Udruženju lijepu priču, tonove i humani sadržaj.

Mnogi od njih su završili svoj radni vijek, nisu više aktivni u Udruženju, ali su još uvijek tu sa nama. Mnogi su, na žalost, završili svoj radni, ali i životni put. Nadam se da sa nekog makar malo ljepšeg mjesta prate šta radimo i da su dio ove naše svečanosti. Među njima su Hasan Sarajlić, Hasan Bećirević, Josip Vukadin, Božidar Marić, Mujo Demirović i drugi. To su bile naše kolege, prijatelji, uzori i učitelji.

Sjetimo se i Dževada Opardija, koji je zbog teške saobraćajne nesreće nepokretan i nije mogao biti sa nama.





## TOMISLAV GRIZELJ, PRVI PREDsjedNIK UDRUŽENJA POSLODAVACA FBiH



Moramo svi razgovarati i otvoreno reći da moramo formirati i ponovo aktivirati Asocijaciju poslodavaca BiH, jer Bosna i Hercegovina je jedan ekonomski prostor i bez takvog ćemo teško ići dalje. Naše konekcije prema Međunarodnoj organizaciji rada i ostalim

međunarodnim organizacija u Evropi dolaze iz samo iz jednog ekonomskog prostora koji se zove Bosna i Hercegovina.

Dalje, ovdje su skoro svi govorili o pomoći. Ja već godinama kroz Udruženje poslodavaca FBiH ističem da poslodavcima ne treba pomoć, nemojte nam samo smetati. Napravili smo 150 Buldožer inicijativa i Giljotinju propisa - stvarali smo novi ambijent. Izgleda da ćemo ponovo morati formirati neke „Buldožere“ da bi stvorili reformske mjere za bh. privrednike.

Također, moramo školovati kadar za naše potrebe i našu privredu. Nastavni programi na svim nivoima moraju biti prilagođeni onima koji će te ljude zaposliti. Potrebno je javno govoriti o obrazovanju jer je to ono što gradi i što će graditi Bosnu i Hercegovinu.



## MARINKO GILJA, PREDsjedNIK SKUPŠTINE UDruženJA POSLODAVACA FBiH



Udruženje poslodavaca FBiH će sigurno biti iskren partner svim nivoima vlasti, a posebno Vladi FBiH, jer znamo da bez poslodavaca i razvoja gospodarstva, nema ni razvoja društveno-političkog uređenja.

Vjerujem da će se Udruženje nastaviti širiti i

nastaviti biti bitan faktor u kreiranju boljeg poslovnog ambijenta.







## FADIL NOVALIĆ, PREMIJER VLADE FBiH



Drago mi je što prisustvujem ovom velikom jubileju. Čest sam gost na skupovima koje organizuje Udruženje poslodavaca FBiH.

Petnaest godina nije dug period, ali treba uzeti u obzir kako je sve počelo. Mi smo kao društvo prije nešto

više od dvadeset godina prihvatili novi model – model slobodnog tržišta i privatnog vlasništva – kao dominantan model u društvu i na taj način smo se svrstali sa zemljama koje su koristeći taj model znatno brže rješavale svoje ekonomske, ali i socijalne probleme.

U takvim okolnostima, petnaest godina je dug period. I sam sjećam početka Udruženja, kada je genisana jedna čitava generacija poduzetnika. Budući da smo transformirali oblik vlasništva, bilo je jako teško na svim nivoima uspostaviti organizaciju kao što je Udruženje poslodavaca. Prije tog perioda, Udruženja kao takvog nije bilo i vrlo važna zakonska rješenja potpisivala je jedna te ista organizacija i sa jedne i sa druge strane. To tek sad ispravljamo.

Udruženje poslodavaca je najveći korektiv onoga što mi radimo. Mi u poslodavcima imamo vrlo važnog saradnika pri kreiranju zakonskih rješenja i općih poteza Vlade, ali, mora se priznati da je taj uticaj još uvijek nedovoljan. Često pozivam poslodavce da ojačaju taj uticaj. Poslodavci moraju postati dominantna snaga, zajedno sa svojim uposlenima. Još uvijek privatni kapital nije



dominantan, već imamo značajan zahvat države i državnih institucija, čak 46 posto od BDP-a. Još uvijek značajan uticaj imaju velike državne kompanije i samim ti, ta transformacija nije dovršena.

Obećavam da ćemo biti partner koji će uvijek uvažavati mišljenje poslodavaca. Ne tvrdim da će uvijek biti prihvaćeno, zato što imamo i druge interesne grupe – sindikati i Vlada, a imamo i socijalne grupe koje također moraju biti zadovoljene.

Na nama je da nađemo ravnotežu između tih grupa, ali moram priznati da ova grupa koja stvara je najznačajnija i najviše bismo željeli udovoljiti ovoj grupi.

Socijalno smo napeto društvo, svjedoci smo da nam je penzion fond gotovo pred padom i da imamo puno drugih problema koji dolaze iz socijalne sfere. Te probleme sada rješavamo i mislim da će u naredom periodu sve više ostajati prostora da se zahtjevi poslodavaca uvažavaju i ugrade u zakonodavne procedure.

Želio bih da udruženje živi i narednih stotinu godina i da bude konstruktivan partner ne samo Vladi nego i društvu.







## MARINKO ČAVARA, PREDSJEDNIK FBiH



Predsjedniku Skupštine, predsjedniku Upravnog odbora i direktoru, kao i svim članovima čestitam 15. godišnjicu uspješnog djelovanja i rada Udruženja poslodavaca FBiH.

Treba puno hrabrosti i sposobnosti da opstanete na tržištu kao poslodavci i

da očuvate tolika radna mjesta. Ja vam se kao predsjednik Federacije Bosne i Hercegovine i predstavnik izvršne vlasti iskreno zahvaljujem jer vi nosite ono što je najvažnije, a to je da ljudi mogu zaraditi za svoju budućnost i zaraditi novac za egzistenciju svoje obitelji.

Također, i državne institucije i predstavnici vlasti nose značajan dio tereta kroz obavljanje svojih dužnosti, ali i kao poslodavci.

Udruženje poslodavaca je jako važno u Federaciji BiH i mislim da je u ovih 15 godina značajno doprinijelo, a i naznačnost ovolikog broja gostiju pokazuje da su značajan faktor i da značajno pomažu u stvaranju ambijentna u FBiH. Potrebno je da nađemo optimum između parafiskalnih nameta i da izbalansiramo izvršavanje obveza koje predstoje pred svakom državom.

Postoje zahtjevi i sa strane poslodavaca i sa strane Vlade.

Postoje mišljenja da je lako riješiti probleme mirovinskog fonda, ako povećamo naknade za

mirovinsko i invalidsko osiguranje. Ali ako ih povećamo, mnoga preduzeća će staviti ključ u bravu i bit će puno manje uposlenih i puno manje uplata, tako da nećemo na taj način moći riješiti problem i puniti mirovinski fond.

Udruženje poslodavaca je u ovih 15 godina značajno pomoglo ovom balansiranju i da se približe stajališta jednih i drugih. Mi koji obnašamo određene funkcije u FBiH nastojimo pomoći u tom balansiranju.

Vjerujem da će naredne godine biti još uspješnije, da ćemo još više surađivati i bolje se razumjeti, te se nadam da ćemo svi zajedno stvarati politički ambijent i rast u gospodarstvu kako bismo stvorili bolje uvjete za život. Želim istaći da trebamo dati veći doprinos u međusobnom razumijevanju i izvršavanju obveza koje predstoje pred nama.

Zasigurno, naš put je evropski put, a za njega moramo izvršavati i određene reforme i moramo izvršavati obveze prema onima koji nam omogućavaju da stabiliziramo finansijske tijekove.

Vjerujem da ćemo uz naše napore i napore onih koji žele pomoći Bosni i Hercegovini stabilizirati odnose, napraviti evropski i NATO put i naredne obljetnice Udruženja poslodavaca FBiH dočekati sa puno više veselih lica i radosti.







## SLAVENKO GRGUREVIĆ, PREDsjedNIK SAVJETA UNIJE POSLODAVACA SRBIJE



Ovo je veličanstven skup, ali takav skup se od Udruženja poslodavaca FBiH mogao i očekivati.

Ljudi iz posla, svuda, na celoj planeti su najvažniji ljudi. Praviti novac, praviti posao je najveća od svih kreacija. Mi stvaramo, ostali troše. I zato, gde god se

nađu poslodavci, ovakva je atmosfera.

Od nas zavisi šta ćemo napraviti i ovi skupovi su izuzetno važni da se što češće i što više srećemo. Ispred Unije poslodavaca Srbije čestitam na veličanstvenom petnaestogodišnjem radu Udruženja poslodavaca FBiH i ispred 100.000 našim članova, želim da vam sve ide što brže, što bolje, što efikasnije.





## PRIZNANJA

U okviru obilježavanja 15. godišnjice Udruženja dodijeljene su zahvalnice, povelje, priznanja i velike povelje.

Na osnovu Pravilnika o dodjeli priznanja u Udruženju poslodavaca FBiH, Udruženje dodjeljuje priznanja: Zahvalnica, Plaketa, Povelja i Velika povelja.

Priznanja se dodjeljuju ljudima koji su dali nemjerljiv doprinos da Udruženje poslodavaca bude ono što je danas:

Najreprezentativnijim poslodavačkim Udruženjem u Evropi sa više od 20.000 članova, koji zapošljavaju 42% svih zaposlenih u realnom sektoru.

Udruženje koje je sposobno da zahtjeve svojih članica predoči u konkretne prijedloge i time utiče na stvaranje adekvatnog poslovnog ambijenta.

Udruženje koje je postalo činilac koji može da utiče na kreiranje ekonomske i socijalne politike.

## POVELJA UPFBiH

**Dodjeljuje se domaćim i stranim fizičkim i pravnim licima, koja nisu članice udruženja za izuzetnu saradnju sa udruženjem te izuzetan doprinos razvoju i afirmaciji Udruženja:**




**Dragan Radić**, viši specijalista za poslodavačka pitanja u ILO-u, je u sklopu svog mandata dao nesebičan doprinos u razvoju i jačanju Udruženja.

Ta pomoć se ogledala u stručnim savjetima ali i kroz brojne projekte koje smo realizovali i kroz jačanje kapaciteta našeg Udruženja. Uz profesionalnu saradnju Dragan Radić je razvio i prijateljske odnose sa mnogim ljudima u Udruženju.





## PRIZNANJA UPFBiH



Udruženje poslodavaca FBiH i **Udruženje poslodavaca Crne Gore** su razvili saradnju kroz projekte i zajedničke aktivnosti. Od 2015. godine realizujemo već treći projekat jačanje socijalnog dijaloga u zemljama Zapadnog Balkana.

Kroz rad na projektima i sastancima razvili smo profesionalne i ljudske odnose i drago nam je reći da smo od partnera postali prijatelji.

---

**Unija udruženja poslodavaca Republike Srpske** je naša sestrinska organizacija koja je izgradila status reprezentativne poslodavačke organizacije u Republici Srpskoj.

Naša saradnja na zajedničkim projektima ali i drugim aktivnostima traje više od deset godina.

Drago nam je istaći da postoji obostrani interes na produbljivanju međusobne saradnje i zajedničkom djelovanju na poboljšanju poslovnog okruženja u Bosni i Hercegovini.



UNIJA UDRUŽENJA POSLODAVACA  
REPUBLIKE SRPSKE



## PRIZNANJA UPFBiH



**Unija poslodavaca Srbije** zastupa interese poslodavaca u Republici Srbiji, štiteći istovremeno interese nacionalne privrede i održivog razvoja.

Udruženje poslodavaca FBiH je dugogodišnji partner sa Unijom poslodavaca iz Srbije na izgradnji i unapređenju privredne saradnje naše dvije države.

Zajednički radimo i radili smo na većem broju projekata, učili smo jedni od drugih i izgradili zavidan nivo međusobnih odnosa.



**БИЗНИС КОНФЕДЕРАЦИЈА НА МАКЕДОНИЈА**  
**BUSINESS CONFEDERATION MACEDONIA**  
Competitiveness Skills of Macedonian economy

**Biznis konfederacija Makedonije** u isto vrijeme kada i mi obilježava 15. godina postojanja.

Slično kao i naše Udruženje bila je izložena mnogobrojnim izazovima i nezasluženim udarcima ali smo se i jedni i drugi znali oduprijeti iskušenjima.

Slična i burna historija nas je ojačala i povezala i sigurni smo da i jedni i drugi možemo postati samo bolji i jači, a ono što će definitivno jačati je naše prijateljstvo.

**Udruženje poslodavaca Brčko Distrikta** i

UPFBiH je zajedno već više od 10 godina.

Djelimo dobro i zlo u ekonomskom i društvenom životu Bosne i Hercegovine.



UDRUŽENJE POSLODAVACA BRČKO DISTRIKTA BiH  
УДРУЖЕЊЕ ПОСЛОДАВАЦА БРЧКО ДИСТРИКТА БИХ  
EMPLOYERS' ASSOCIATION OF THE BRČKO DISTRICT OF BIH

Naš partner sa kojima smo osnovali

Asocijaciju poslodavaca na nacionalnom

nivou i sa kojim djelimo uvjerenje o neophodnosti uvođenja socijalnog dijaloga na nivou BiH.





## PRIZNANJA UPFBiH



**Mehmed Jahić** je redovni profesor na Ekonomskom fakultetu u Sarajevu i ekspert iz oblasti računovodstva i javnih finansija.

Profesor Jahić je uvijek isticao koliko cijeni Udruženje poslodavaca i doprinos Udruženja izgradnji stimulativnog poslovnog ambijenta i boljeg društva u našoj državi.

Nikada nije odbio naš zahtjev za pomoć bilo da se radi o konsultacijama o zakonima ili edukaciji našeg osoblja i članica.

---

**Zahvalnice** se dodjeljuju domaćim i stranim fizičkim i pravnim licima za ostvarene rezultate za dugogodišnji uspješan rad u organima Udruženja, kao i za značajan doprinos u razvoju Udruženja:

**Senid Gerin** je dugogodišnji član Udruženja poslodavaca FBiH i jedan od inicijatora za osnivanje Grupacije poslodavaca SBK pri Udruženju poslodavaca.

Vlasnik kompanije Ocean iz Travnika i stručnjak u oblasti informacionih tehnologija.

Uvijek je bio spreman i za dodatni angažman i stručnu pomoć članicama i stručnoj službi Udruženja, pokazujući na taj način koliko Udruženje poslodavaca FBiH smatra svojim.





## PRIZNANJA UPFBiH



**Hamed Šivšić** je od skoro samog početka u UPFBiH, bio je dugogodišnji član UO UPFBiH i jedan od osnivača Grupacije poslodavaca špeditera/logističara pri UPFBiH, čiji je još uvijek član.

Direktor je kompanije Rail Cargo Logistics iz Sarajeva, kćerkom Austrijskih državnih željeznica (Oesterreichische Bundesbahn), koja djeluje u područjima željezničkog i kamionskog, pomorskog i avio transporta.

Svojim ljudskim osobinama i znanjem uvijek je bio na raspolaganju Udruženju poslodavaca FBiH, pri tome ne žaleći ni vrijeme ni sredstva.

---

**Brano Vujičić** je dugogodišnji član Udruženja poslodavaca FBiH. Veoma je uspješno obavljao funkciju potpredsjednika Skupštine Udruženja poslodavaca FBiH.

Bivši predsjednik UO Udruženja za informacione tehnologije u BiH-BAIT, te je bio dugogodišnji direktor kompanije PING iz Sarajeva.

Nesebično je radio na formiranju Grupacije IT sektor pri UP FBiH i promociji rada Udruženja.







## PRIZNANJA UPFBiH



**Milenko Čolak** je dugogodišnji član i aktuelni potpredsjednik Upravnog odbora Udruženja poslodavaca FBiH. Svojim aktivnim radom pridonio je jačanju Udruženja, a poseban doprinos davao je u aktivnostima iz ekonomske oblasti.

Magistar je ekonomskih nauka i šef odjela finansija i računovodstva u kompaniji Lager iz Posušja.

Njegovo poznavanje propisa i dugogodišnje radno i stručno iskustvo od neprocjenjive je važnosti za kvalitet rada Udruženja.

---

Rasim Salčinović je dugogodišnji član Udruženja poslodavaca FBiH i počasni član Upravnog odbora Grupacije poslodavaca ZE-DO kantona pri UP FBiH.

Ugledni zenički privrednik sa dugogodišnjim iskustvom u oblasti ugostiteljstva.

Prepoznavši značaj postojanja Udruženja poslodavaca na vlastitu inicijativu organizovao je formiranje Grupacije poslodavaca ZE-DO kantona i njeno učlanjenje u UP FBiH.





## PRIZNANJA UPFBiH



**Midhat Terzić** bio je član i potpredsjednik Upravnog odbora u sazivu od 2012-2016. godine. Član Ekonomsko-socijalnog vijeća od maja 2016. godine do aprila 2017. godine.

Dugogodišnji generalni direktor kompanije Sarajevo-osiguranje d.d. Sarajevo. Dobitnik je Kristalne prizme za najboljeg menadžera u osiguranju te dobitnik nagrade Privredna ličnost godine.

Nakon uspješne dugogodišnje karijere zaslužio je odlazak u penziju ali smo sigurni da ni u penziji neće mirovati i da će i dalje aktivno pomagati rad našeg

Udruženja.

---

**Plaketa** Udruženja dodjeljuje se dugogodišnjim članovima Udruženja koji su aktivno učestvovali u radu organa i tijela Udruženja i time doprinijeli afirmaciji i razvoju udruženja:

Predrag Čović je uspješno obavljao funkciju člana Upravnog odbora Udruženja poslodavaca FBiH i potpredsjednika UO UP FBiH, te člana Ekonomsko-socijalnog vijeća FBiH.

Predrag Čović je bio direktor u više značajnih kompanija, a trenutno je direktor kompanije Vodokok iz Tomislavgrada.

Jedan od ljudi koji su zahvaljujući svom ugledu i radu uticali na omasovljavanju članstva Udruženja u HBK i Livanjskom kantonu.







## PRIZNANJA UPFBiH



**Ante Suton** je jedan od članova Upravnog odbora Udruženja. Dugogodišnji vlasnik kompanije Suton iz Širokog Brijega koja je jedna od vodećih kompanija u grafičkoj djelatnosti u regiji, a trenutno je direktor i suvlasnik kompanije Europapier iz Širokog Brijega.

Njegova najnovija akvizicija kroz kupovinu kompanije Slobodna Dalmacija u Splitu pokazuje o kakvom se privredniku radi.

Bez njega teško da bi Udruženje poslodavaca imalo takav ugled i zastupljenost članstva iz HBK.

**Dževad Oprdija** je dugogodišnji član Udruženja poslodavaca i član Grupacije prevoznika u drumskom saobraćaju pri UP FBiH.

Vlasnik i generalni direktor kompanije PD Servistrans iz Donjeg Vakufa.

Jedan od ljudi koji je svojom ljudskošću i optimizmom dao humani lik našem Udruženju. I danas kada je zbog nesreće koja ga je zadesila vezan za krevet zadržava optimizam i nesebično se interesuje za rad našeg Udruženja, ali prvenstveno je ostao vezan za ljude.





## PRIZNANJA UPFBiH



Plaketa UPFBiH dodjeljuje se posthumno istaknutom bh. privredniku **Josipu Vukadinu**.

Bio je osnivač i direktor Infosofta iz Sarajeva, kompanije iz oblasti Informatičkog inženjeringa, proizvodnje, zastupništva i prometa.

Koliko je teško biti poslodavac i menadžer pokazuje i primjer našeg Josipa koga je prerana smrt zatekla na mjestu člana UO našeg Udruženja i odvojila od porodice, njegovog Infosoft-a i njegovog Udruženja poslodavaca.

**Mirsa Tuce** je dugogodišnja članica Udruženja poslodavaca FBiH i bivša članica Ekonomsko-socijalnog vijeća FBiH.

Obnašala je više odgovornih funkcija u Željezari Zenica i kompaniji ArcerolMittal Zenica.

Trenutno uživa u zasluženoj penziji. Njen doprinos u pregovorima sa Sindikatom o Zakonu o radu i Opštem kolektivnom ugovoru je veliki i ostat će upamćena u Udruženju poslodavaca FBiH.







## PRIZNANJA UPFBiH



**Snježana Kopruner** je dugogodišnji član Udruženja poslodavaca FBiH i trenutni član Upravnog i Izvršnog odbora UP FBiH.

Direktorica GS-TMT-a Snježana Köpruner nosilac je više priznanja, a među njima je nagrada „Lady boss“ za najuspješniju poduzetnicu 2013. godine. Asocijacija poslovnih žena „One“ dodijelila je nagradu za razvoj i podršku ženskog poduzetništva. Nosilac je priznanja „Najmenadžer 2014.“ koje joj je dodijeljeno krajem prošle godine u Banjoj Luci.

Snježana je svakako jedna od osoba koja svojim znanjem, energijom, angažmanom i šarmom daje pečat Udruženju poslodavaca FBiH.

---

**Velika povelja** je najveće priznanje Udruženja za izuzetan doprinos u razvoju i afirmaciji ugleda Udruženja u zemlji i inostranstvu, te za izuzetan dugogodišnji uspješan rad u organima Udruženja, kao i za izuzetno značajan doprinos u razvoju:

**Tomislav Grizelj** je istaknuti privrednik, jedan od osnivača i prvi predsjednik Upravnog odbora Udruženja. Dobar dio svog vremena posvećuje društvenom angažmanu i nesebično doprinosi općem dobru putem niza udruženja.

Već 1991. godine je proglašen za Menadžera godine Republike Bosne i Hercegovine.





## PRIZNANJA UPFBiH

Vlasnike je kompanije Grizelj d.o.o. iz Sarajeva i dobitnik većeg broja priznanja.

Sigurno da bez njegovog angažmana ne bi bilo Udruženja poslodavaca FBiH ili bi ono bilo na mnogo nižem stepenu nego što je sada. Mada već duži niz godina nije aktivan u Udruženju i dalje ne krije svoju vezanost za Udruženje i skupa s nama proslavlja svaki uspjeh.

---

**Safudin Čengić** je dugogodišnji potpredsjednik i predsjednik Udruženja poslodavaca FBiH, te član delegacije poslodavaca u Ekonomsko-socijalnom vijeću za područje FBiH i KS.

Trenutno je član Upravnog i Izvršnog odbora UP FBiH i predsjednik Ekonomsko-socijalnog vijeća KS.

Direktor i suvlasnik kompanije Centrotrans Eurolines Sarajevo.

Za vrijeme kada se nalazio na čelu Upravnog odbora, Udruženje je imalo najintenzivniji rast kako broja članova tako i ugleda u društvu. Odlaskom sa mjesta

predsjednika svojim nasljednicima ostavio je dobru poziciju koja je omogućila dalji razvoj i rast samog Udruženja.







## PRIZNANJA UPFBiH



**Mladen Pandurević** je aktuelni direktor Udruženja poslodavaca FBiH i član Ekonomsko-socijalnog vijeća za područje FBiH.

Bio je dugogodišnji član i potpredsjednik Upravnog odbora UPFBiH, te predsjednik Grupacije prevoznika u Udruženju poslodavaca.

Dobitnik je većeg broja priznanja za svoj rad i društveni angažman.

Trenutno je jedan od najstarijih članova Udruženja po stažu, a ne godinama, i jedan od ljudi čije je ime postalo sinonim Udruženja poslodavaca FBiH.

Evidentni uspjesi i rast Udruženja poslodavaca proteklih godina, uveliko su vezani su za njegov rad i angažman.

Pošto su naši poslodavci društveno odgovorni i socijalno osjetljivi, Udruženje redovno pomaže rad humanitarnih i dobrotvornih agencija, stoga je tokom obilježavanja 15 godina osnivanja UPFBiH sa 2.000 KM doniralo „Kruhu svetog Ante“, „Muslimanskom dobrotvornom društvu Merhamet“, „Srpskom humanitarnom udruženju Dobrotvor“ i „Crvenom krstu/križu FBiH“.





## 15 GODINA UDRUŽENJA POSLODAVACA FBiH







## 15 GODINA UDRUŽENJA POSLODAVACA FBiH







## 15 GODINA UDRUŽENJA POSLODAVACA FBiH







## 15 GODINA UDRUŽENJA POSLODAVACA FBiH







## 15 GODINA UDRUŽENJA POSLODAVACA FBiH







## XVI REDOVNA SKUPŠTINA UPFBiH



Svečanom obilježavanju 15 godina uspješnog rada Udruženja poslodavaca FBiH prethodila je XVI redovna Skupština na kojoj je prezentovan rad Udruženja u protekloj godini, program rada za 2017. godinu, a raspravljalo se i o razrješenju starog i imenovanju novog člana delegacije poslodavaca Ekonomsko-socijalnog vijeća FBiH. Skupštini je prisustvovalo oko 60 delegata.

U svom izvještavanju predsjednik UO UPFBiH Adnan Smilbegović je istakao da je Udruženje svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje sljedećih ciljeva:

- Stvaranje adekvatnog poslovnog ambijenta koji će omogućiti stabilno poslovanje naših članica, razvoj i punu zaposlenost;
- Poboljšanje postojeće zakonodavne regulative te novih zakonodavnih inicijativa;
- Smanjenje fiskalnih i parafiskalnih nameta poslodavcima;



## XVI REDOVNA SKUPŠTINA UPFBiH

- Suzbijanje sive ekonomije;
- Aktivno učešće u tripartitnom ekonomskom-socijalnom dijalogu;
- Jačanje materijalnih, kadrovskih i organizacionih kapaciteta Udruženja.

### **Nabrojao je i neke od najznačajnijih aktivnosti Udruženja u 2016. godini:**

- Aktivno učešće u reformama radnog zakonodavstva;
- Priprema amandmana na zakone (na ukupno 20 zakona pripremljen je 151 amandman);
- Učešće u tripartitnim sastancima;
- Potpisivanje granskih kolektivnih ugovora;
- Pripremanje i upućivanje brojnih inicijativa;
- Osnovana je Grupacija poslodavaca Tuzlanskog kantona;
- Potpisan sporazum o osnivanju Ekonomsko - socijalnog vijeća za područje ZDK;
- UPFBiH je postalo partner na nekoliko značajnih projekata;
- Održani su i redovni sastanci sa resornim ministarstvima povodom donošenja aktuelnih zakona iz njihovih nadležnosti, sastanci sa MMF - om i Svjetskom bankom na temu radnog zakonodavstva, Općeg kolektivnog ugovora i porezne politike, kao i dani otvorenih vrata Razvojne banke u svih 10 kantona;
- Održane su i brojne konferencije i okrugli stolovi;
- Udruženje poslodavaca FBiH uputilo je otvoreno pismo čelnicima političkih stranaka u FBiH u kojem se traži aktivnije djelovanje lidera političkih stranaka u procesu donošenja reformskih zakona;
- Potpisan sporazum o saradnji između Akademije nauka i umjetnosti BiH i Udruženja poslodavaca FBiH;
- Podnešen zahtjev za ocjenu ustavnosti Zakona o porezu na dobit iz 2016. godine;



## XVI REDOVNA SKUPŠTINA UPFBiH

- Dopis premijeru Vlade FBiH zbog zabrane plasmana proizvoda iz FBiH u RS.



Po Programu rada UPFBiH Udruženje će svoju cjelokupnu aktivnost u ovoj godini zasnivati na nastojanjima za ostvarenje sljedećih ciljeva:

- Dosljednog provođenja mjera za rasterećenje privrede;
- Provođenje mjera za unaprijeđenje poslovnog ambijenta koji će omogućiti stabilno poslovanje naših članica, razvoj i punu zaposlenost;
- Suzbijanje sive ekonomije;
- Zaključivanje Granskih kolektivnih ugovora, koji još nisu zaključeni;
- Provođenje mjera za smanjenje javne potrošnje;
- Provođenje mjera za poboljšanje likvidnosti;
- Promocija poduzetništva;
- Jačanje materijalnih, kadrovskih i organizacionih kapaciteta Udruženja.

Smailbegović je istakao da će se i dalje raditi na poboljšanju poslovnog ambijenta kroz saradnju sa Razvojnou bankom, poticaje pri zapošljavanju, izmjene zakona, zatim da će se raditi na rasterećenju privrede kroz ciljano povećanje PDV-a na račun smanjenja dobrinosa.





## XVI REDOVNA SKUPŠTINA UPFBiH

Također je neophodno raditi i na reformi obrazovnog sistema, postpisivanju granskih kolektivnih ugovora koji još uvijek nisu potpisani, te na drugim brojnim aktivnostima koje se namjeravaju ostvariti u 2017. godini.

Direktor UPFBiH Mladen Pandurević izvjestio je članove Skupštine o prijedlogu finansijskog izvještaja. Istakao je kako su ostvareni veći prihodi u 2016. nego u 2015. godini, a bitno su smanjeni troškovi poslovanja, te da je zabilježen značajan pad naplate članarine.

Upoznao je prisutne i sa revizorskim izvještajem, u kojem je ovlaštenu revizor dao pozitivno mišljenje.

Što se tiče finansijskog plana za 2017. godinu istakao je kako je napravljen ambiciozan plan, koji je već početkom godine počeo da se realizira.

Naglasio je da je planirano da se aktivnije radi na naplati članarine kako bi se obezbijedilo dovoljno sredstava za angažovanje stručnih ljudi koji će u interesu članica UPFBiH davati svoje prijedloge kako da se poboljšaju zakonska rješenja i cjelokupan poslovni ambijent.

Pandurević je upoznao članove Skupštine da Midhat Terzić nije više direktor Sarajevo osiguranja, te da je UPFBiH obavijestilo o tome Udruženje društava za osiguranje u FBiH i Grupaciju poslodavaca iz oblasti finansija.

Grupacija poslodavaca iz oblasti finansija predložila je Ivana Luburića (Croatia osiguranje) i prijedlog je usvojen jednoglasno na Upravnom odboru Grupacije poslodavaca iz oblasti finansija.

Izvršni odbor UPFBiH je na sjednici održanoj 05.04.2017. godine je prihvatio ovaj prijedlog.

Donesen je zaključak da se Luburić imenuje za člana do isteka mandata trenutnog saziva Ekonomsko-socijalnog vijeća FBiH. Ovaj zaključak stupa na snagu sa danom donošenja.

## PANTHEON Cloud - nova usluga za poslovne korisnike

**PANTHEON Cloud** je nova usluga za poslovne korisnike koja im omogućava korištenje poslovnog informacijskog sistema sa potpunom kontrolom nad poslovnim procesima u kompaniji, a koja se realizira u saradnji sa kompanijom Datalab BH d.o.o.Sarajevo.

**PANTHEON CLOUD** („Računovodstvo u oblaku“) je usluga za optimiziranje poslovanja preduzeća. Omogućava malim i srednjim preduzećima povezivanje poslovnih procesa i njihovu potpunu kontrolu u jedinstvenom sistemu. Podržava sve poslovne procese, od robnog poslovanja, računovodstva i finansija do kadrova, plata ili jednostavne proizvodnje, te ima dodatne funkcionalnosti za međunarodno poslovanje, kao i poslovnu analitiku za upravljački kadar.

Usluga **PANTHEON Cloud** nudi novi način pristupa i pohranjivanja podataka, koji više nisu smješteni lokalno na računaru već u cloudu (oblaku), što znači da korisnik programu može pristupiti sa više uređaja, u bilo koje vrijeme i s različitih lokacija. Baze podataka korisnika se sigurno pohranjuju u data centru BH Telecoma, i dostupne su korisniku non-stop (24/7).

**PANTHEON** je savremeni poslovno-informacioni sistem za vođenje, upravljanje i razvoj svih poslovnih procesa u preduzeću, koji se iznajmljuje kao rješenje u oblaku.

Aplikacija **PANTHEON** se redovno osvježava u skladu sa promjenama u zakonodavstvu (plate, porez na dohodak, PDV itd). Sve promjene se online automatski prenose do korisnika – brzo i jednostavno.

Usluga **PANTHEON Cloud** je oblikovana i razvijena specijalno za računovođe, kojima je potreban profesionalan i moćan alat za razmjenu podataka sa svojim klijentima. Na raspolaganju je više korisnih funkcija računovodstvenih servisa kojima se olakšava obavljanje rutinskih zadataka, slanja dokumenata i odlazaka kod klijenata radi potreba knjiženja.

#### Ključne prednosti usluge **PANTHEON Cloud**:

- Bez troškova kupovine i održavanja servera i potrebnih licenci;
- Bez investicije: korisnik plaća onoliko koliko koristi uslugu;
- Sigurnost sačuvanih podataka;
- Jednostavan i brz pristup putem interneta gdje god se nalazite;
- Veća preglednost i upravljanje poslovnim procesima;
- Istovremeni pristup računovodstvenog servisa i klijenta istoj bazi optimizira poslovni proces;
- Elektronsko arhiviranje podataka;
- Rasterećenje finansijskih odjeljenja, više vremena za savjetovanje i analize, a manje za unos podataka;
- Prelazak na elektronsko poslovanje;
- Ušteda na vremenu i putnim troškovima.

**PANTHEON Cloud** je u ponudi BH Telecoma na raspolaganju u više verzija.

**Detaljne informacije** o ovoj novoj atraktivnoj usluzi, kao i Cjenovnik usluge PANTHEON Cloud dostupne su korisnicima na web stranici BH Telecoma [www.bhtelecom.ba](http://www.bhtelecom.ba), kao i putem besplatnog info telefona za poslovne korisnike **1322**.





U d r u Ź e n j e  
p o s l o d a v a c a

---

**UDRUŽENJE POSLODAVACA FBiH**

**MULA MUSTAFE BAŠESKIJE 12/3, 71 000 SARAJEVO**

**TEL: 00 387 264 830**

**FAX: 00 387 33 552 461**

**MAIL: [info@upfbih.ba](mailto:info@upfbih.ba)**

**WEB: [www.upfbih.ba](http://www.upfbih.ba)**